



REPUBLIKA E SHQIPËRISË

MINISTRIA E EKONOMISË, KULTURËS DHE INOVACIONIT
DREJTORIA RAJONALE E TRASHËGIMISË KULTURORE VLORË
SEKTORI I ARKITEKTURËS, ARKEOLOGJISË, ARTIT DHE MENAXHIMIT TË
TRASHËGIMISË KULTURORE

Nr. 67 prot.

Vlorë, më 06.02.2024

URDHËR

Nr. 6, datë 06.02.2024

‘PËR TARIFAT E DHËNIES SË INFORMACIONIT (DOKUMENTACIONIT) TË
KËRKUAR’

Bazuar në nenin 13, të ligjit nr. 119/2014 “Për të drejtën e informimit”, i ndryshuar, si dhe referuar Urdhërit të Komisionerit për të drejtën e informimit dhe mbrojtjen e të dhënave personale, nr. 86, 337 prot., datë 17.04.2015 “Për tarifat e dhënies së informacionit (dokumentacionit) të kërkuar”, gjithashtu dhe në vijim të Udhëzimit të Përbashkët të Ministrisë së Drejtësisë dhe Ministrisë së Financave dhe Ekonomisë, nr. 12, datë 21.07.2020 “Për përcaktimin e numrit të faqeve për të cilat informacioni përfitohet falas, rastet e përjashtimit nga pagesa e tarifës, si dhe rregulla për mënyrën e kryerjes së pagesës për pajisjen me informacionin që prodhohet ose mbahet nga Autoritetet Publike;

URDHËROJ:

1. Personat e regjistruar në skemat e ndihmës shoqërore, si dhe subjektet përfituese, sipas ligjit nr. 111/2017 “Për ndihmën juridike të garantuar nga shteti”, **e përfitojnë informacionin dhe/ose dokumentacionin e kërkuar në Drejtorinë Rajonale të Trashëgimisë Kulturore Vlorë, pa pagesë deri në 20 fletë**, për çdo kërkesë, ose në vlerën ekuivalente kur informacioni jepet në një format tjetër, pas vërtetimit të statusit përkatës.

Subjektet përfituese janë:

- a) personat, të cilët janë përfitues të skemave të mbrojtjes sociale;
- b) viktimat e dhunës në familje;
- c) viktimat të abuzuar seksualisht dhe viktimat të trafikimit të qenieve njerëzore, në çdo fazë të procedimit penal;
- d) viktimat të mitur dhe të miturve në konflikt me ligjin, në çdo fazë të procedimit penal;
- e) fëmijët, të cilët jetojnë në institucionet e përkujdesjes shoqërore;
- f) fëmijët nën kujdestari, të cilët kërkojnë të nisin një proces pa miratimin e kujdestarit të tyre ligjor ose kundër kujdestarit të tyre ligjor;
- g) personat që përfitojnë nga pagesa për aftësinë e kufizuar, në përputhje me legjislacionin në fuqi për ndihmën dhe shërbimet shoqërore, duke përfshirë edhe personat që përfitojnë nga statusi i të verbrit;
- h) personat, të cilët i nënshtrohen trajtimit të pavullnetshëm në institucionet e shërbimit të shëndetit mendor, sipas dispozitave të legjislacionit në fuqi për shëndetin mendor;

- i) personat, të cilët i nënshtrohen trajtimit vullnetar në institucionet e shërbimit të shëndetit mendor për sëmundjet e rënda mendore;
- j) personat, ndaj të cilëve kërkohet heqja ose kufizimi i zotësisë për të vepruar, në çdo fazë të këtij procesi;
- k) personat, të cilëve u është hequr ose kufizuar zotësia për të vepruar, që kërkojnë të nisin një proces kundër kujdestarit të tyre ligjor, për rifitimin e zotësisë për të vepruar, pa miratimin e kujdestarit ligjor;
- l) personat, të cilëve u është cenuar e drejta nëpërmjet një veprimi ose mosveprimi që përbën diskriminim, bazuar në vendimin e organit kompetent, sipas legjislacionit në fuqi për mbrojtjen nga diskriminimi.
- m) personat që provojnë se kanë të ardhura dhe pasuri të pamjaftueshme për të përballuar shpenzimet, që do të thotë nëse të ardhurat e tyre janë më të ulëta se niveli i pagës minimale të përcaktuar sipas legjislacionit në fuqi.
2. Tarifa është kostoja e riprodhimit të informacionit dhe/ose dokumentacionit të kërkuar.
3. Tarifat e shërbimit të dhënies së informacionit dhe/ose vënies në dispozicion të dokumentacionit, nga Drejtoria Rajonale e Trashëgimisë Kulturore Vlorë, do të jenë si më poshtë:
- a. 1 deri në 10 fletë (Format A4 dhe A3), informacioni përfitohet pa pagesë;**
- | | | |
|--|---|---------------------------------------|
| b. Fotokopje bardhë e zi/me ngjyra (Format A4) | / | mbi 10 fletë = 5 lekë copa |
| c. Fotokopje bardhë e zi/me ngjyra (Format A3) | / | mbi 10 fletë = 7 lekë copa |
| d. Printime bardhë e zi (Format A4) | / | mbi 10 fletë = 6 lekë copa |
| e. Printime bardhë e zi (Format A3) | / | mbi 10 fletë = 8 lekë copa |
| f. Printime me ngjyra (Format A4) | / | mbi 10 fletë = 8 lekë copa |
| g. Printime me ngjyra (Format A3) | / | mbi 10 fletë = 10 lekë copa |
| h. Skanime | / | 11 deri në 50 skanime = 25 lekë copa |
| | / | 51 deri në 100 skanime = 20 lekë copa |
| | / | mbi 100 skanime = 10 lekë copa |
| i. Tarifat e CD-së | / | 60 lekë/CD |
4. Informacioni i kërkuar në rrugë elektronike, në rastet kur disponohet elektronikisht nga Drejtoria, jepet falas. Në rast se informacioni i kërkuar, nuk disponohet elektronikisht dhe për tu përshtatur në formë të tillë, ka nevojë për përpunim të mëtejshëm (skanime) nga punonjësi i ngarkuar me këtë detyrë, shërbimi do të kryhet kundrejt pagesës, në përputhje me pikën 3/h të këtij Urdhëri.
5. Specialisti përkatës i Sektorit, i cili do të përgatisë informacionin/dokumentacionin e kërkuar, në bashkëpunim me koordinаторin për të drejtën e informimit në D.R.T.K – Vlorë, si dhe me Përgjegjësin e Sektorit të Financës dhe Shërbimeve Mbështetëse, duhet të përlllogarisë koston totale

të informacionit/dokumentacionit të kërkuar, duke ja vendos në dispozicion edhe kërkuarit/subjektit të interesuar.

6. Paga e tarifës, bëhet kundrejt një mandat pagese të lëshuar nga Sektori i Financës dhe Shërbimeve Mbështetëse. Paga do të kryhet, pranë një banke të nivelit të dytë.
7. Me pagesën e tarifës përkatëse nga kërkuari/subjekti i interesuar, sipas mandatit të arkëtimit (të miratuar), në llogarinë e institucionit D.R.T.K – Vlorë, si dhe paraqitjen e mandatit bankar në Drejtorinë Rajonale të Trashëgimisë Kulturore Vlorë, menjëherë i dërgohet kërkuarit/subjektit të interesuar informacioni me postë, ose mund ta tërheq dorazi.
8. Kërkuari/subjekti i interesuar, nuk mund të shumëfishojë për qëllime shitje, informacionin dhe/ose dokumentacionin e marrë, sipas këtij Urdhëri.
9. Publikimi i tarifave të përcaktuara në pikën 3 të këtij Urdhëri, bëhet edhe në faqen zyrtare të Drejtorisë Rajonale të Trashëgimisë Kulturore Vlorë.
10. Për ndjekjen dhe zbatimin e këtij Urdhëri, ngarkohet cdo Sektor i Drejtorisë Rajonale të Trashëgimisë Kulturore Vlorë, si dhe Koordinatori për të Drejtën e Informimit në D.R.T.K – Vlorë.
11. Për vënien në dijeni të punonjësve, ngarkohet Sektori i Financës dhe Shërbimeve Mbështetëse.
12. Ky Urdhër hyn në fuqi menjëherë.

DREJTOR

Orgest FEIMI

27

